

徐公問因果

守靈芽般瑞果七寶金蓮應結長生果無作無爲成道果出離
凡籠決證眞仙果老來修難成果透漏眞元敗壞祇園果拍手
空回沒因果譬似無常速鍊全眞果

請丹陽法體往西關

嘆乖夫違正道巧使機謀讒佞姦邪狡敗壞宗風無處告破鏡
鳴鳶和我難分曉到如今誰敢保蜜裏藏砒反辱全眞教東海
西秦皆被腦曹賈萊爲須有天神報

示李梁張三人

李張梁聽少告休恁躊躇縱得心顛倒每憾玉陽無答報似此

道藏輯要

雲光集

卷

胃集九
川川上

修行何日歸蓬島大唐僧九度老萬種艱辛一志終須到東進
佛經弘釋教相契如來證果眞常道

勸休網罟

我生來元怕死固蒂深根方證長生位一切含靈無稍異普願
安全此是天公意運慈悲呈雅瑞赫赫雲霞萬道祥光起三界
高眞興法喜佑護人人各各無災沴

勸迷徒

嘆迷人如大醉敢使機謀爭眼謾天地殺盜邪淫呪神理一向
無知不顧臨時罪氣歸空形委廢性識區區走入幽牢裏無限
冤魂誰放你鞭棒摧身虵狗爭吞噬